


VOTUM

Sex in Sacra Theologiâ
Magistrorum.

DISCUTIUNTUR

*Causæ, rationes, & momenta, quibus nonnulli
Siculos ab obligatione servandi Interdictum
authoritate Sedis Apostolicæ in Sicilia
latum liberos asserunt.*



Coloniæ Ubiorum.

ANNO MDCCXIV.

MUTTON

Highland Theology
L. H. H. H.

THE HISTORY

of the Highland Theology, from the
Reformation to the present time.
By the Rev. James H. H. H.
D.D.



THE HISTORY

OF THE

3

Si difficile, & ambiguum apud te iudicium esse perspe-
xeris, venies ad Sacerdotes Levitici generis,
& ad Iudicem, qui fuerit illo tempore,
& facies quodcumque dixerint.

Deuteronomii 17.

PEnès Ecclesiam, ac Ecclesiæ Præsules esse potestatem, iustis de causis, ferendi censuras, res est adeò comper-
ta, ut probatione non egeat; Id evincunt illa Christi
verba, *Matth. 18. : Quacunque alligaveritis, &c. : Item*
hæc alia Apostoli ad Corinth. 5. : Auferte malum ex vobis
ipsi : ut explicat S. Augustinus lib. 2. *retract. cap. 17.* Hanc pote-
statem exercuit idem Apostolus, dum incestuosum Corinthium
excommunicavit, ejusdemque rei testis est perpetua, & nusquam
interrupta Ecclesiæ praxis : nihil quippè in Annalibus Ecclesia-
sticis frequentius legas, quàm censuras latis in Hæreticos, Schi-
smaticos, ac graviorum criminum reos.

Censuris Ecclesiasticis annumerari Interdictum constat, tùm ex
Innocentio III. cap. Quarenti extra de verbor. significat., ubi tres
assignat Censurarum species; Excommunicationem, Suspensionem,
Interdictum, tùm ex eo quòd Interdicto plenè conveniat
definitio censuræ à Theologis tradi solita. Hujus censuræ vesti-
gia quædam videre est in *Concilio Triburiensi can. 52.*, & *Cabilo-*
nensi 2. can. 26., meminit ejusdem *Ademarus S. Eparchii Engo-*
listmensis Monachus in Chronico ad annum 994. de Alduino Lemovi-
censi Episcopo scribens : Sape idem Alduinus pro nequitia Populi
novam observantiam constituit ; scilicet Ecclesias, & Monasteria
cessare à Divino Cultu, & Sancto Sacrificio ; & Populum quasi Pa-
ganum, à Divinis laudibus cessare, & hanc observantiam Excommu-
nicationem censabat : ejusdem censuræ sub Excommunicat. omnis
nomine meminerunt Fulbertus Carnotensis Episcopus epist. 3. ad
Robertum Regem Francorum, & epist. 93. ad eundem Regem, Conci-
lium Lemovicense ann. 1031., ejusdem meminit sub proprio nomi-
ne Interdicti, & Suspensionis à Divino Officio *Ivo Carnotensis*
alter Episcopus epist. 3., 50., 62., 264., & 256. ; Antè Ivonem
verò Interdicti censuram sæpius commemorat *Gregorius VII. lib. 1.*
epist. 81. lib. 2., epist. 5., & 23., & lib. 7., epist. 16., & 18. ; Perpe-
ram itaque, & imperitè quidam scripserunt antè *Alexandri III.*
Pontificatum Interdicti memoriam nullam extare.

Hoc porrò inter alia discriminat Interdictum ab Excommunica-
tione, quod Excommunicatione percelli nequit Communitas.
Interdictum autem ferri potest in totam Communitatem, v. g. in

totam Diœcesim, totam Civitatem, totum Regnum, vt probari potest ex cap. *Quia sapè, tit. de electione, & ex cap. Si sententia, tit. de sentent. excommunicat.* . Vtriusque autem discriminis rationem affert Sanctus Thomas *Supplementi quæst. 22. art. 5.*, ex eo quod excommunicatio sit gravissima pœna, quæ proindè nemini debet inferri, nisi propter propriam culpam: neque sit credibile totam Communitatem in malitiâ colligari. *At verò suspensio*, inquit in responsione ad secundum, *non tanta pœna est, quia suspensi non fraudantur Ecclesia Suffragijs, sicut excommunicati: Vnde etiam aliquis sine proprio peccato suspenditur, sicut, & totam Regnum ponitur sub Interdicto pro peccato Regis: Et ideo non est simile de excommunicatione, & suspensione, sive Interdicto.* Licet igitur in Communitate aliqui sint immunes à culpa, satis est, ut rea sit Communitas, immò, ut reum sit caput Communitatis, ut in eam Interdicti sententia ferri possit; nec enim injustum est eos etiam, qui insontes sunt, pœnas aliquas luere, quatenus ad reum aliquo modo pertinent, sicut membra quædam corporis propter alia pariuntur. Ecclesia itaque propter commune bonum, & ad majorem terrorem, horroremque peccati, censuram Interdicti meritò quandoque imponit eis, qui non deliquerunt: atque ob eandem causam nonnunquam locus Interdicto supponitur in execrationem criminis, & ad excitandum reliquos, ut solliciti sint de reo ad pœnitentiam, & obedientiam Ecclesiæ revocando. Non ergo sunt audiendi, qui praxim Interdicti generalis posterioribus solum sæculis in Ecclesia introductam, vel etiam minus instam esse dictitare non erubescunt.

Qui Siculos ab observando Interdicto liberos afferunt, triplici maxime inducuntur motivo; Primò metus gravis à laicali potestate incussus, nullo præsertim, ut ajunt, superveniente ex hujusmodi inobservantiâ Jurisdictionis Ecclesiasticæ contemptu, vel proximi scandalo. Secundò privilegij cujusdam Monarchiæ Siciliæ olim à Sede Apostolicâ in vim remunerationis concessi. Tertiò auctoritatis Theologorum, qui attentis totius negotij circumstantijs absque peccato, & censuræ ullius incurso Interdictum violari, seu non servari posse edixerunt. Quid rei sit de validitate, sive de sufficientiâ horumce motivorum examinandum, discutiendumque suscipimus.

Metum gravem, qui, ut ajunt, in virum constantem cadat, idest qui virum non timidum, sed fortem, ac propositi tenacem movere capax sit, & efficere, ut à meditato, vel ab incepto opere desistat, hujusmodi, inquam, metum gravem ab incurso, & observantiâ censuræ quandoque excusare, sententia est (fatemur) multorum Theologorum, ac etiam Canonistarum. Verùm partem negativam propugnantes & numero, & rationum pondere haud esse infe-

5

inferiores facile perspexerit quisquis Theologos, ac Canonistas, qui hoc de argumento scripserunt, consulere voluerit. Longior sim, si singulorum & nomina appellem, & verba transcribam; unum igitur, aut alterum laudasse satis erit, quo certè palam fiat, litem esse inter Theologos, atque Canonistas minimè definitam, sed sub dubio relictam, num metus gravis excuset ab incurfu, & observantiâ censuræ.

Dominicus Soto in 4. sentent. dist. 22. quæst. prima art. 4.: Dubium, inquit, tandem hic præcipuum restat, utrum metus mortis hominem excuset, ut citra peccatum liceat cum quocunque Excommunicato communicare, & causâ dubitandi est, quod videtur Innocentius, cap. Sacris, de ijs qua vi, metusve causâ fiunt, partem negativam definire: videlicet, quod pro nullo metu debet quis cum Excommunicatis communicare, quia pro nullo metu debet quis peccatum mortale incurrere quæstio est, de qua plurimum inter Doctores controversatur. Adrianus enim in illâ citatâ quæstione de Clavibus, contendit nullum metum mortis excusare, quominus peccatum sit communicare cum Excommunicatis, in quorum sententiam plures Iuriconsultorum refert, quia videtur esse apud eos opinio communis.

Suarez de Censuris disp. 4. sect. 3. citatis pro parte negativâ Auctoribus, eam pariter communem appellat; Hanc, inquit, communem sententiam tenet Adrianus, Covarruvias in cap. Alma Mater, &c.

Comitolus in Responsis moralibus præsentem difficultatem tractans: De hoc, inquit, dua pugnantes inter se, & non levium Aucturum diffident opiniones: una est eorum, qui nulli metui justam excusationis veniam dandam esse putaverunt, sed isto modo communicantem & scelere, & penâ Excommunicationis minoris condemnant. In horum cætu Doctorem major pars est Pontificii Iuris explanatorum, maxime in cap. Sacris, de iis, qua vi, metusve causâ fiunt, ut Ostiensis, Ioannes Andreas, Anton. de Butrio, Panormitanus: Cum bis ex Theologis se consociarunt Alexander Hales in 4. part. quæst. 22. memb. primo artic. 6., Durandus dist. 18. quæst. 5. ad 3., Adrianus in 3. quæst. de Clavibus, & quodlib. primo artic. 3. ad 5., Ocham, ut testis est Gabriel in 4. sent. dist. 18. quæst. 3. artic. 3. dub. 4., Gabr., qui sequitur Ocham loco citato, Cajetanus in Summâ, &c.

Leander tom. 4. tract. primo de Censuris pro eadem sententiâ præter Durandum, Cajetanum, Adrianum, laudat etiam Astensem lib. 3. tit. 11., Alensem par. 4. quæst. 23. memb. primo art. 6. §. 2., & Ugo linum de Censuris tab. 2. cap. 23. n. 4. Videatur etiam Barboſ. in cap. Sacris, ubi multos citat Canonistas eidem sententiæ subscribentes. Quibus palam fit rem esse non omninò certam, sed valdè dubiam, num metus gravis excuset ab incurfu, & observantiâ censuræ;

imò non excusare longè probabilius, ne dicam omninò certum, unicuiq; videri debet,attenta in primis determinatione *Innoc.III. cap.Sacris, de iis, qua vi, metusvè causâ fiunt*; ubi sic loquitur: *Distinguiamus autem utrum is, qui communicat Excommunicatis, inuitus sit per coactionem adstrictus, aut per metum inductus. In primo casu talem non credimus Excommunicatione teneri, cum magis pati, quam agere convincatur. In secundo, licet metus attenuet culpam, quia tamen non eam prorsus excludit, cum pro nullo metu debeat quis mortale peccatum incurrere, Excommunicationis labe credimus inquinari.*

Adverte Pontificem in illo Canone loqui de incurfu, & observantiâ censuræ, nempe de participatione cum Excommunicato, quam sub Excommunicationis pœnâ prohibitam Sacri Canones decernunt. Adverte rursus causam in Canone assignatam, cur ille, qui metu inductus ad communicandum cum Excommunicato censendus sit Excommunicationis labe inquinari, eam esse, quod pro nullo metu debeat quis mortale peccatum incurrere. Supponit igitur censuræ violationem, etiam quocunque metu interveniente, semper esse mortale peccatum, proindeque metum, quantumlibet gravem, ab observantia, atque incurfu censuræ nunquam liberare,

Hic certè audiendus venit *Sanctus Thomas Supplementi quæst.23. art.3.*, vbi inquit, utrum participare cum Excommunicato in casibus non concessis semper sit peccatum mortale. Et respondet probabilius videri, quod qui participat cum Excommunicato, solum peccet mortaliter, quando in crimine ei participat, vel in Divinis, vel in contemptum Ecclesiæ. Contra autem sibi primo loco obiicit Canonem mox laudatum, ex quo videtur concludi participationem cum Excommunicato semper esse peccatum mortale; Cui obiectioni respondet, quod *Decretalis illa loquitur de participatione in Divinis*. Ex quo patet, mentem esse Sancti Doctoris, quocunque metu etiam interveniente, semper esse peccatum mortale, nec unquam licitum fieri participare in Divinis cum Excommunicato. Quare autem participare in Divinis cum Excommunicato sit semper peccatum mortale, non autem participare in verbo, in cibo, & alijs similibus, explicat *S. Doctor in responsione ad secundum*: *Dicendum, inquit, quod præceptum Ecclesiæ directè respicit spiritualia, & ex consequenti legitimos actus; Et ideo qui communicat ei in Divinis, facit contra præceptum, & mortaliter peccat; Qui autem participat in alijs, facit præter præceptum, & peccat venialiter*. Ex quibus omnibus peremptoriè, ut existimo, potest evinci metum, quantumlibet gravem, non excusare ab observantia Interdicti legitimè lati; Nam iuxta Sanctum Thomam participatio in Divinis cum Excommunicato ideo semper est mor-

7
mortale peccatum, nulloque metu etiam gravissimo potest fieri licita, quia est contra præceptum Ecclesiæ, quod directè respicit Spiritualia: atqui violare interdictum, publicè v. g. Missam celebrando, & Choro assistendo, est itidem contra præceptum Ecclesiæ, quod etiam directè respicit Spiritualia: Sicut ergo qui Excommunicationis censuram violat, participando in Divinis cum Excommunicato, ita peccat mortaliter, ut nullo metu excusari possit: sic qui Interdictum violat, publicè Missam celebrando, & Choro assistendo.

Hoc argumentum profectò demonstrativum est. Sed esto tale non sit, quis, amabo, ex Theologorum, Canonistarumve supra memorato dissidio prudenter saltem non dubitet, num revera metus gravis ab incurfu, & observantiâ Censuræ excuset? Quo in casu certè locum habet famosa regula Juris, *in dubiis pars tutior est eligenda*: pars autem tutior est, in quâ eligenda certum est nullum esse peccatum. Item præclara S. Thomæ doctrina *quodlib. 9. quest. 7. art. 2.*, ubi asserit, quod *omnis questio, in quâ de mortali peccato queritur, nisi expressè veritas habeatur, periculosè determinatur præcipuè autem ubi veritas ambigua est*, id est, ut explicat paulò antea, ubi inveniuntur Theologi Theologis, & Juristæ Juristis contraria sentientes. Quam doctrinam confirmat *quodlib. 5. quest. 6. art. 3.*, ubi dicit, quod si manente dubio de bonitate, vel malitiâ alicujus actionis, aliquis actionem illam facit, periculo se committit, & sic proculdubio peccat.

Sed pergamus ulterius, atque gratis concedamus certum omninò, atque indubitatum esse id, quod ad minus valde dubium, atque inter Theologos valdè litigiosum esse constat. Negari saltem non potest unam esse, ac concordem Theologorum omnium, atque Canonistarum sententiam Leges tam Ecclesiasticas, quàm Civiles, spreto quocunque, & quantumlibet gravi, ipsius etiam mortis periculo, esse servandas, ubi ex illarum violatione, damnum aliquod obveniret publico, & communi Reipublicæ bono, suè quando Legis, vel mandati observantia necessaria est ad boni communis vel conservationem, vel promotionem: *Estque*, inquit, Sylvius *quest. 96. art. 4. hæc sententia communis apud Sotum, Medinaum, Vasquez disput. 161. cap. 2., Azorium tom. primo lib. 1. cap. 11., Sayrum lib. 3. cap. 7., Becanum, Tannerum, Puteanum, plerosque alios*; hæc certè ratione tenetur miles in bello, jubente Duce, stationem non deserere, excubias agere, hostiles muros ascendere, etiam si in his omnibus præsentissimum adsit vitæ periculum. Hæc eadem ratione potest Episcopus sibi subdito Sacerdoti præcipere, ut pestiferis Sacra ministret, ut Fidem confiteatur, ac prædicet, non obstante persecutorum rabie. Hinc quoque non ultimi subsellii Theologi concludunt Cartusianum in

supremo vitæ discrimine constitutum non solum posse licite à carnibus abstinere, sed etiam ad id teneri; quia majoris momenti est conservatio observantiæ strictioris, ac disciplinæ Regularis in toto Cartusianorum Ordine, quam vita unius Cartusiani.

Fallitur porro, totoque ostio à vero aberrat, quisquis hocce in negotio putat nullum communi Ecclesiæ bono imminere periculum; quis enim non videat causam agi toti Ecclesiæ communem, eamque gravissimi momenti, ubi de Jurisdictionis Ecclesiasticæ finibus propugnandis, deque Ecclesiæ juribus, immunitatibus, ac prærogatiuis in tuto ponendis tractatur? An non, si ad hodiernam illorum in Sicilia infractionem, eversionem, & per potestatem laicalem usurpationem sileat Ecclesia, merito timendum est, ne pravo hoc exemplo alii audaciores ad ea sibi etiam vindicanda evadant; Sicque sensim sine sensu in cinerem, fumumque evanescant præclara hæc Ecclesiæ à Deo concessa privilegia, præsertim in hac temporum calamitate, in quâ, ut rectè ait *Vargas de Episc. Jurisdic. confirmat.* 13. Hæretici summa imis confundere nituntur, ut Romanum Pontificem, & Apostolicam Sedem evertant.

Verum seposito nonnihil hocce negotio, datoque, & non concessio, quod in hac contentione periculum nullum subeat commune Ecclesiæ bonum: Videamus au non ipsa Interdicti violatio per se detrimentum afferat communi huic Ecclesiæ bono. Afferre profectò non dubitamus, ac faciliè palam evincimus.

Id sanè notissimum est censuras, ac in primis Interdictum, Ecclesiæ necessarias esse, potissimum ad eos in officio continendum, qui vel Ecclesiastica jura occupare, vel Ecclesiasticam Jurisdictionem impedire, vel potestate sibi tradita contra Sacrorum Canonum dispositionem, & in præjudicium spirituale aliorum abuti pertinaciter attentaverint. *Interdictum*, inquit, *Dominicus Soto in 4. sentent. distinct. 22. quæst. 3. art. 1., legitime positum res est Ecclesia gubernaculo necessaria; Nam, etsi Excommunicatio pœna sit, quâ Ecclesia majorem non habeat; tamen quando quis obstinato animo in ipsa recrudesceat, condecens est, ut eadem Ecclesia sensum maroris, & tristitia representet, & quasi totum Populum indignatione aduersus eum commoveat, & à jure, quod habet, Sacra audiendi suspendat, ut vel illa Populi indignatione, & Sacrorum silentio perterrefactus ille resipiscat.* An non porro corruet prorsus remedii salutaris usus, & praxis, si Populi pœnarum metu graviter attoniti, Interdictum violare sine culpa, & alicujus gravioris censuræ incurso se posse, sibi in animum induxerint? Quis Princeps hâc viâ, utique sibi ad manum semper præsentem, Ecclesiastici Interdicti fulmen pro suo libito non eludet, ne dicam non contemnet? ad nihilum certè

vale-

9
 valebit ultra usus ille clavium, quos Ecclesiæ suæ Sponsæ tradidit Christus, indeque exurget maximum Ecclesiæ, atque Ecclesiasticæ Disciplinæ detrimentum. Concludendum igitur Siculis, sub prætextu metus gravis, Interdicti violationem non posse fieri licitam.

Sed est & alter casus, in quo Lex observanda est, quolibet, etiam ipsius vitæ posthabito periculo, nempe quando grave periculum, quod imminet ex observantia Legis, sequitur ex actione, quæ Lege præcipitur, & ei connexum est, vel saltem à Legislatore prævideri potuit, & nihilominus præcepti, vel Legis observationi insistit. Atque hæc doctrina censeri debet omnium Theologorum, & Canonistarum inconcussa. Cujus ratio evidentissima, atque constantissima hæc est, quod scilicet in tali casu nemo non præsumere debet pluris importare Legis, vel præcepti observantiam ad commune bonum vel conservandum, vel promovendum, quam imminentium sibi malorum, ac ipsius etiam mortis tolerantiam. Cum enim ad Legislatorem, seu Superiorem pertineat judicare de casibus illis; in quibus bonum commune in discrimen adductum boni particularis dispendio opus habet conservari, vel promoveri, prudenter quisque credere debet casum hujusmodi præsentem adesse, dum cernit id sibi Lege præcipi, quod absque gravi mali, vel etiam absque ipsius mortis periculo ab ipsomet quoque Legislatore non ignorato, sed præviso fieri nequit.

Porro ejusmodi casum in causâ, quam pertractamus, locum habuisse, adeo apertum est, ut nulla tergiversatione possit negari, vel etiam in dubium revocari; esto enim tale periculum non sequatur ex actione ipsâ, sive ex observantiâ Interdicti; illud tamen quantum, & qualecunque fuit in præsentem rerum negotio, & prævidere potuit Summus Legislator Pontifex Maximus, & re ipsâ prævidit, ut manifestum sit, tum ex eo quod palam declaravit se velle, & intendere iustis de causis hocce Interdictum prorsus, atque omnino ab omnibus observandum esse, etiam postquam scivit, & vidit nonnullos propterea in exilium amandatos fuisse Episcopos, ac Viros alios Ecclesiasticos; tum quia idem Interdictum primum ab Episcopis latum, auctoritate Apostolicâ confirmavit, atque in ejusdem Interdicti refractarios, tum præcipue in contumacem Monarchiæ Siciliensis, ut vocant, Judicem bina Excommunicationis fulmina non ita pridem vibravit.

His procûldubio rationibus, ac momentis inducti, ac convicti Patres Societatis JESU elegerunt olim potius à totâ Venetorum ditione exules in perpetuum fieri, quam latum in eorundem Venetorum Reipublicam à Paulo V. Interdictum violare.

Liceat igitur nobis ex hæcenus dictis concludere Siculos ratione metus incussis, etiam si gravissimus esset, non excusari ab observantiâ Censuræ Pontificiæ, atque perperam metum hujusmodi ab aliquibus obtrudi, ut Interdicto in ipsos iustis de causis lato impunè refragentur, & petulanter obstrepant.

Id ipsum longè manifestissimum fiet, ubi demonstratum fuerit in hujus Interdicti violatione contemptum Jurisdictionis Ecclesiasticæ intervenisse gravissimum. Doctrina est certè, quam nullus vel Theologus, vel Canonista audeat revocare in dubium, Leges humanas obligare etiam cum periculo vitæ, quando violatio Legis cederet in contemptum Fidei, aut Religionis, aut Ecclesiasticæ potestatis, quia plures refert Fidem, Religionem, & Ecclesiasticam potestatem non contemni, quàm vitam corporalem conservari. Quapropter si cui metus mortis incutiat, nisi carnes in die jejunii comedat, vel nisi Missam audire prætermittat, vel nisi Sacrum celebret coram Excommunicato, & hoc fiat in contemptum Fidei, vel Religionis, vel potestatis Ecclesiasticæ, sive ad ostendendum Fidem nostram, aut Leges Ecclesiasticas nullius esse roboris, & idcirco non esse curandas, mortem subire oportet potius, quàm tunc contra Leges humanas agere. Porro nonnè manifestum Interdicti Pontificii, Romanique Pontificis Interdicti Auctoris contemptum arguit, eos, qui Christianos sese, atque cum Romanâ Sede stricto fœdere conjunctos jactitant, quique eo nomine, & Legibus Ecclesiæ obedientiam præstare, & Decreta Sedis Apostolicæ prono capite adorare tenentur: eos, inquam, erectâ cervice, datâ operâ, scientes, & volentes, ut hodiernâ die Siculi faciunt, nolle mandatis Supremi Ecclesiæ Præsulis, ejusque Interdicto obtemperare? Quid amabo, hic agendî modus sonat, quàm Ecclesiam, Ecclesiæ Leges, Supremum ipsum Ecclesiæ Caput parvifacere? Quâ in re quanto scelere sese obstringant, colligere licet ex his Christi verbis *Lucæ 10. : Qui vos audit, me audit, qui vos spernit, me spernit*, & *Matth. 18. : Si Ecclesiam non audierit*, id est, ut exponit *Chrysostomus*, si Ecclesiæ Prælatò non obedierit, *sit tibi sicut Ethnicus, & Publicanus*. Undè juremetitò *Nicolaus Papa* relatus in *Can. Hæc consonâ 25. quæst. 1. : Si quis, inquit, Dogmata, Mandata, Interdicta, Sanctiones, vel Decreta, pro Catholica Fidei disciplinâ, pro correctione Fidelium, pro emendatione Sceleratorum, à Sedis Apostolicæ Præsule salubriter promulgata contempserit, anathema sit*.

Deinde nonne manifestum Pontificiæ sententiæ, & auctoritatis contemptum sapit, posthabitiâ eâ, quæ debetur Summo Pontifici, obedientiâ, velle Magistratus Sæcularis, vel prætensæ Monarchiæ Iudicis mandatis perperam obsequi? Quid quæso hoc aliud est, quàm Ecclesiæ potestatem velle sæculi potestatibus, ac legibus subii-

subiicere, & Romani Pontificis auctoritatem in Magistratus, vel Iudices Sæculares infrunitè transferre, quod maximus Pontificiæ Jurisdictionis, & potestatis contemptus est, haudque levis injuria. Porro Siculi contumaces hoc pacto in Summum Pontificem, eiusque Interdictum se se gerunt; in manifestum igitur Pontificiæ Sententiæ, & auctoritatis contemptum impingunt. Liceat itaque nobis hic laudare Canonem, *certum est*, in quo Felix Papa Tertius Imperatorem sic compellat: *Certum est rebus vestris esse salutare, ut cum de causis Dei agitur, iuxta ipsius Constitutionem, Regiam voluntatem Sacerdotibus Christi studeatis subdere, non præferre, & Sacrosancta per eorum Præsules potius discere, quàm docere: Ecclesiasticam formam sequi, non huic humanitus sequenda jura præfigere, neque eius Sanctionibus velle dominari: ne dum mensura celestis dispositionis exceditur, eat in contumeliam disponentis.*

Scd, & Adrianus Papa eius nominis Primus registr. 22. *quæst. 1. cap. Generali decreto: Generali, inquit, decreto constituimus, ut execrandum anathema sit, & veluti pravaricator Catholica Fidei semper apud Deum reus existat, quicumque Regum, seu Episcoporum, vel Pontentum, deinceps Romanorum Pontificum Decretorum censuram in quocunque crediderit, vel permiserit violandam.* Atqui hoc modo censuram, & Decreta Apostolicæ Sedis audaci nimium fronte vilipendunt Siculi, cum eius Sententiam, quæ sanè juridica est, & iustissima, nullam esse clamitant, cum Episcopos, & alios Viros Ecclesiasticos, qui Summi Pontificis Interdicto morem gerunt, malè habent, ac in exilium ablegant, minasque intentant, ut alios ad eius transgressionem adigant. Quod certè cum summo Ecclesiasticæ Jurisdictionis contemptu, ac dedecore fieri nemo non videt. Audiendus hæc super re etiam Gregorius Papa IX. relatus in cap. *Tanta est clavis Petri, de excessibus Prælatorum*, ubi Archiepiscopum Bracarensem sic alloquitur: *Ad confusionem P. quondam Episcopi Columb. non potest in memoriam non venire, quantum in nos, & in Romanam Ecclesiam deliquerit, despexerit Petri claves, & Ecclesiasticam laeserit potestatem, cum non solum Interdicti sententiam, quam servauerat ab initio, temerè violaverit: verùm etiam induxit alios, imò compulsi non servare,*

Quid plura? Ecquis amabo, atque quo titulo, quâ specie, quo prætextu eos à tetrâ contemptus labe vindicare queat, qui Apostolicæ Sedis sententiam, censuram, judicia sub aleam vocare suam, ausu temerario præsumunt, qui Ministris laicis Religionis, & Ecclesiæ negotia discutienda, tractandaque committere non dubitant: Cum id ad Ecclesiæ Præsules, Romanumque in primis Pontificem spectare, totius Orbis Catholici consensione, sæculorum omnium usu firmatâ constet: dicente etiam Joanne Papâ cap. Si

Imperator 96. diffinēt. : Ad Sacerdotes enim Deus voluit, quæ Ecclesia disponenda sunt, pertinere, non ad sæculi potestates, quas, si fideles sunt, Ecclesiæ suæ Sacerdotibus voluit esse subjectas. Unde Sotus in 4. diffinēt. 25. quæst. 2., scitè affirmat, quod sæculares Principes cohibiti sunt Iure Divino de illis judicare. Sed rogare vellemus, num in toto Siciliæ Regno vel unum reperire sit hominem, quantalibet etiam auctoritate pollentem, cui satis esset animi, ne dicamus audaciæ, ut in casu huic non absimili Subditum Principis aliquem, quantumvis privilegiatum, protegeret, si fortè subditus ille Principi seriò rem aliquam præcipienti, non solum obedire detrectaret, sed & titulo sui privilegij, Principe reluctante, illius jura inuaderet, aliosque, quæ minis, quæ etiam poenis, à debitâ Principi obedientiâ averteret? auderet ne quis palam dicere id posse fieri à subdito illo sine omni prorsus contemptu, sine scandalo, sine ullâ vel minimâ offensa, aut culpâ? An non potius hunc, tanquam læsæ, ac contemptæ Majestatis reum traderet, atque fortasse etiam capitis poenâ plectendum condemnaret? id si attentare nullus audeat, cum agitur de debitâ Sæculari Principi obedientiâ, cur audent pro fovendâ in Supremum Ecclesiæ Principem, ac Præsulem rebellionem? Est igitur apud ipsos potior Principis in ditione suâ auctoritas, quàm Romani Pontificis in Ecclesiâ: eritque (si eis fides) iste præ illo majori dignus veneratione, & reverentiâ.

Hic certè desiderandum esset quàm maximè, ut omnes seriò perpendere, atque executioni sedulò mandarent, quod Carolus Magnus cunctis Fidelibus commendatum voluit in *suis Capitularibus lib. 5. cap. 110. : Necessarium judicavimus, inquit, omnibus præcipere, ut honorem debitum Venerabilibus Episcopis, absque ullâ simulatione, ac detractiōe impendant, eisque in omnibus, ut Patribus obediant, & quidquid pro salute animarum monuerint, prout meliùs potuerint, adimplere satagent. Item id, quod Gelasius hujus nominis Papa Primus ep. 8. 490. ad Anastasium Imperatorem dedit, præclarum documentum; Nosti Fili Clementissime, inquit, quod licet præideas humano generi dignitate rerum humanarum, tamen Præsulis Divinarum rerum devotus colla submittis, atque ab iis causas tue salutis expetis; inque sumendis Cælestibus Sacramentis, eisque, ut competit, disponendis, subdi te debere cognoscis Religionis ordine, potius quam præesse: atque inter hæc ex illorum te pendere judicio, non illos ad tuam velle redigi voluntatem. Ut quoque perspectum habeant quanto peccato, quantæ poenæ hocce in negotio sese obstrinxerint quotquot Interdictum violare, vel nè servaretur, impedire præsumperunt, attendant ad Decretum, quod Sacro approbante Generali Concilio Viennensi, edidit Clemens Quintus*
lib.

lib. 6. Clementin. tit. de Sentent. Excommunicationis, his verbis conceptum: *Gravis ad nos querela perduxit, quod Nobiles quidam, & Domini Temporales, Terris eorum Ecclesiastico suppositis Interdicto, nedum in Locorum suorum Capellis, sed & in Collegiatis, & alijs insignium Locorum Ecclesijs Missas, & alia Divina Officia publice, & solemniter faciunt celebrari, ad Officia eadem celebranda nunc vos, nunc illos vocantes, & interdum, quod deterius, compellentes* Ne igitur excessus sic graves excedentium impunitate trahantur ab aliis in exemplum, praesumptores praefatos, qui in Locis Interdicto suppositis quemquam de cetero Divina celebrare Officia quomolibet cogere, aut qui modo praedicto ad eadem Officia audienda aliquos, Excommunicationis praesertim, vel Interdicti ligatos sententiâ, vocare praesumpserint, Excommunicationis sententiâ, à qua per Sedem duntaxat Apostolicam possint absolvi, Sacro approbante Concilio innodamus.

Sed agè videamus etiam, an non hoc quoque in negotio fuerit scandalum. Scandalum à S. Thoma 2. 2. quest. 43. artic. primo definitur: *Dictum, vel factum minus rectum, praebens alteri occasionem ruinæ, Spiritualis scilicet: in quantum nempe aliquis suâ admonitione, vel inductione, aut exemplo alterum trahit ad peccandum.* Hujus peccati gravitatem collige ex istis Christi verbis Matth. 18.: *Qui scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum Maris.* Ad rationem porro scandali haud necesse est, quod illud, unde aliquis scandalum sumit, sit secundum se malum, sicut peccatum, sed sufficit, ut habeat speciem mali, sicut cum aliquis recumbit in Idolio, idest in loco, ubi comeduntur Idolothita, sive carnes Idolis immolatae. Quamvis enim, inquit, Sanctus Doctor loco mox citato in responsione ad secundum: *Hoc secundum se non sit peccatum, si aliquis hoc non corruptâ intentione faciat, tamen quia habet quamdam speciem mali, vel similitudinem venerationis Idoli, potest alteri praebere occasionem ruinæ, & ideo Apostolus monet ad Tesselon. 5. ab omni specie mali abstinete vos.* Indè promptum est, ac facile ostendere scandalum gravissimi reos existere Siculos, quorquor Ecclesiasticum Interdictum vel observare renuunt, vel ne observetur, impediunt; quis enim sibi in animum inducat, quod Plebs videns tantâ animositate, & impunitate palàm, publicè, cum contemptu violari Ecclesiasticas Censuras, ac despectui haberi mandata Pontificia, etiam ab iis, qui positi sunt in eorum custodiam, saltem non suspiceretur Censuras, & Leges Ecclesiasticas nullius, vel exigui esse roboris, atque hoc pacto ad eas & contemnendas, & sine scrupulo violandas non fiat audacior? Undè amabo exorta schisma-

ta Ecclesiæ Unitati adeò pernicioſa ? Undè Regnorum à Fide , & ab Eccleſiâ defectiones ? Undè hærefes , ac infinita Eccleſiæ mala , quorum omnium & memoria adhuc recens , & hiftoriæ noſtræ plenam fidem faciunt : nonnè ex minori erga Apoſtolicam Sedem reverentiâ , ex faciliiori Pontificiarum Cenſurarum violatione , ex ſuſceptis majori cum devotione Regum , ac Principum , quàm Eccleſiæ Prælatorum mandatis ? *Neque enim* , inquit *Sanctus Cyprianus lib. primo epiſt. 3. ad Cornelium Papam ſcribens : Neque enim aliundè hærefes ortæ ſunt , aut natæ ſunt ſchiſmata , quàm inde quod Sacerdoti Dei non obtemperetur , nec unus in Eccleſiâ ad tempus Sacerdos , & ad tempus Iudex vice Chriſti cogitatur .*

Certè ſi , ut docet S. Thomas , ad rationem ſcandali ſatis eſt actionem , aliunde de ſe bonam , ſpeciem aliquam habere mali , quâ ratione Apoſtolus ; ad *Corinth. 8. Si eſca* , inquit *bat , ſcandalizat fratrem meum , non manducabo carnes in æternum , ne fratrem meum ſcandalizem* ; An fortasſe Siculi negare poterunt hoc , quod eſt violare Interdictum , & modis omnibus etiam illicitis efficere , ut viole-
tur , ſpeciem ſaltem habere mali ? proindeque fieri non poſſe ſine ſcandalo ? Sed inquiunt , ceſſat huiusmodi ſcandalum , dum in publicum datur doctrina , quæ lati Interdicti violationem juſtificat . Benè eſt . Sed quid , ſi ipſi paſſione , vel aliâ aliquâ cauſâ movente præoccupati , exiſtiment ſufficientem , ac juſtam ſui facti rationem , quæ revera inſufficiens ſit , & injuſta : an etiam tunc ceſſabit ſcandalum ? Quid , ſi apud multos malè audiat , quod Miniſtri Regni Siciliæ Interdicti violationem procurantes , ſe ipſos Iudices faciant in propriâ ſua Cauſâ ? Quid , ſi puſilli multi rationem illam non capiunt , vel ob hebetudinem mentis , vel ob aliam rationem magis eis apparentem , vel ob priſtinam conſuetudinem ? Quo caſu monet Cajetanus eſſe abſtinendum etiam à Spiritualibus Bonis non neceſſariis , à fortiori ab iis , quæ ad minus ſpeciem habent mali , donec ejuſmodi plenius inſormentur . Quid tandem , ſi penſatis , ac libratis utrimque momentis , res apud multos adhuc dubia remaneat ? Cum in dubijs ſemper ſit obediendum Superiori , non potuerunt proſectò ſine ſcandalo impedire , ne Interdictum à legitimo Superiore latum obſervaretur . Unde S. Thomas *quodlib. 4. quaſt. 8. art. 3. docet in caſu Excommunicationis dubiæ itandum potius eſſe ſententiæ Iudicum , quàm aliorum Docto-
rum : Si ambiguum* , inquit , *oriatur poſt concordem Iudicum determinationem , magis ſtandum eſt ſententiæ Iudicum , duplici ratione . Primo quidem quia Iudices ſollicitius diſcutientes negotium , plenius poſſunt percipere veritatem , etiam ſi ſint minus Periti , quàm alii , qui perſuſtorie conſtituuntur , & extraordinariè . Secundo quia hoc eſſet*
in

in magnum nocumentum utilitatis communis status hominum, si sententia non staretur, sed quilibet pro suo libito vellet sententia calumniam ingerere, quia sic litigia essent interminabilia, & ideo in tali casu magis est standum sententia iudicis, nisi forte sit per appellationem suspensa.

Unum est profectò, quod à nemine negari, vel in dubium potest revocari, nempe in hoc deliquisse, ac gravi scandalo occasionem præbuisse eos, qui ne Interdictum servaretur, effecerunt, quod statim propriâ auctoritatē id effecerint: debuerant sanè ad cautelam absolutionem ab Interdicto petere, eaque obtenta, servato debito modèramine, ac cum debitâ Ecclesiæ Capiti reverentiâ jus suum (si quod habebant) tueri; Hic enim ordinarius est, ac irreprehensibilis in similibus casibus procedendi modus, quem qui prætereunt, Superioris auctoritatem palam, & cum scandalo videntur contemnere. Hanc regulam tradit S. Raymundus lib. 3. S. 33: *Teneas ergo, inquit, circa sententiam Excommunicationis indubitanter, quod sive sit injusta ex animo, sive ex causa, sive ex ordine, sive ex animo, causa, & ordine simul, tenet, & ligat quantum ad Ecclesiam militantem, dum tamen lata sit ab illo, qui habebat super hoc Canonicam Iurisdictionem: quod probatur aperte causa XI. quæst. 3. Can. si Episcopus, fallit in duobus casibus; Unus est, quando est lata post appellationem legitimam, alius quando continet intolerabilem errorem: quibus in casibus ad probationem eorum, etiamsi absolutionem petant, debent admitti; Sed donec de ipsis confiterit, in aliis evitari, quanquam tales Sedes Apostolica consueverit absolvere ad cautelam; Verùm in aliis, nisi gratiam absolutionis implorent, non debent audiri, ne Sententiam Apostolicam contemnere videantur Extra. de Sentent. Excommunicationis cap. Per tuas.*

Cæterum videndum non nihil quid rei sit de rationibus Interdicti violationem, ut inquiunt, iustificantiis, ad quarum publicationem scandalum omne cessare volunt, Has ad duo capita reducunt, nempe ad Privilegia quædam, quæ Monarchiæ Siculæ ab Apostolicâ Sede in vim remunerationis dicunt fuisse concessa, & ad responsa Theologorum, quos hæc super re consuluerunt.

Verùm quæcunque, & quantacunque sint, aut etiam esse possint isthæc Privilegia, unum asserimus fidentissimè, ea nusquam posse subsistere, ubi contra præcipua Ecclesiæ Romanæ Jura semel constabit esse disposita: Nam, ut (referente Baronio tom. XI. Annalium Ecclesiasticorum ad Annum 1697.) egregiè Desiderius Cardinalis, insignis Abbas Cassinensis, postea Victor Papa Tertius, vigore planè Sacerdotali, Henrico Imperatori Jura Ecclesiastica invadenti in faciem objecit: *Sedes Apo-*

folica Domina est nostra, non ancilla, nec alicui subdita, sed omnibus prelata: & ideo nullâ omninô ratione sub jugum à quoquam mitti potest. Quod si à Nicolao Papâ factum est, (scilicet ut arbitrium Imperatoris expectaretur in electione Romani Pontificis, quod falsò prætendebatur) injustè profectò, & temerè præsumptum est; non tamen cujusdam stultitiâ, & temeritate amittit Ecclesiâ Dignitatem suam. Hinc (referente adhuc ibidem Baronio) Sanctus Brunus Episcopus Signinæ, ac cum eo plurimi alii Episcopi, & Cardinales in Concilio Romano cœgerunt Paschalem Papam Secundum revocare, quæ contra Ecclesiæ Romanæ Jura promississet Henrico Imperatori.

Enim verò quis nesciat Privilegia ab Apostolicâ Sede collata non debere contra eandem Apostolicam Sedem militare? Sic *Apostolica Sedes*, inquit Nicolaus Papa Primus, idemque Sanctus, in Decretali, quam scripsit ad Henricum Archiepiscopum Turonensem, ubi agit de Privilegio ab Apostolicâ Sede concessio Remensi Ecclesiæ, quo ejus Archiepiscopus Hincmarus contra ipsam abutebatur; Sic *Apostolica Sedes aliena jura custodit, ut sua non minuat; sic honorem debitum dat, ut suum non tribuat alienis: nam, & arma illi à nobis collata ita volumus, ut pro eo sint valida, ut potiùs pro nobis, ubi necesse est, non contra nos firmitatem obtineant.* Nemo autem non videt contra Apostolicæ Sedis Jura manifestè fore disposita, atque contra Romanam Ecclesiam militatura ea Privilegia, quibus concederetur potestas pro libito Censuras, & mandata Pontificia rescindendi, eaque nulla, & irrita reddendi; Quid enim hoc aliud esset, quàm concessam Ecclesiæ Divinitus auctoritatem labefactare penitus, atque ad nihilum redigere? Quid hoc aliud esset, quàm datam Ecclesiæ ab alto ligandi, atque solvendi potestatem in alium totaliter transferre, seu potiùs radicitus extirpare.

Præclarum est, atque ad rem nostram valde opportunum, ideoque hic minimè omittendum id, quod refert Spondanus in *continuatione Annalium Baronij ad annum 1571. fol. 720. num. 5.*, ubi scribit de Sancto Pontifice Pio Quinto, quod eodem anno, qui erat Pontificatus sui sextus, misit Odescalcum Episcopum Penensem cum titulo Nuncii Apostolici Regni Siculi citra, & ultra Pharus, idest utriusque Siciliæ. Querebantur Ministri Regis Catholici id esse contra Monarchiæ Jura, & Privilegia, quibus Reges suos, ex Privilegio Apostolico, Legatos in toto Regno Siciliæ natos, esse obtendebant. Pontifex autem Sanctissimus, ac Ecclesiasticæ Jurisdictionis Zelantissimus respondit, privilegia hæc potius dicenda esse, quàm privilegia: videre se ea passim malè usurpari, indeque multa fieri contra jura sive humana, sive

sive Divina, & quicumque niteretur aliquibus privilegiis, debere illa proferre, cum præsertim Pontifex Summus sit solus, & legitimus privilegiorum ab aliis concessorum, & Interpres, & Judex, qui ubicunque errata, & offensiones compererit, pro suo munere debeat absque alio Censore, & examinatore eis providere.

Æquissimum sanè esse istud Sancti Pontificis responsum, illudque ab omnibus excipiendum, plenam fidem faciunt Canonistæ omnes unâ voce id ipsum asserentes, nempe ad solum Romanum Antistitem pertinere Privilegia quæque ab Apostolicâ Sede concessa declarare, & interpretari. Dies nos deceat, si singulos hic velimus appellare. Juvabit tamen laudare nonnullos, quos qui consuluerit, eandem cæterorum esse sententiam facile comprobabit. *Martinus Laudensis in tractat. de Principibus nos. 17.*, *Ioannes Andreas in rubric. versic. Et dubium, de Privilegiis*, *Nicolaus Millis in Repertorio, verb. Iudex fol. 18.*, *Text. in cap. Cum venissent, de Indiciis*, ubi *Innocent.*, *Text. in cap. Ordinarii §. Si verò, de Offic. Ordinarii lib. 6.*, *Antonius de Butrio in cap. Dilecti num. 2. de Decimis*, *Abbas Panormitanus in cap. Cum ad hoc num. 7. de Clericis non resident.*, & ad rem nostram facit regula vulgaris, quæ habet sui beneficii interpretem meliorem, esse concedentem, *leg. Neratius 151. ff. de regul. Iur.*, *leg. In conventionalibus 52. de verbor. obligat.*, *Andreas Gambaria in tractat. de Offic. & Potest. Legati de Latere lib. 2. num. 387.*, ubi dicit, quod solus Papa moderatur, & declarat Privilegia à Sede Apostolicâ concessa, *Clement. de Cens. cap. 2. de Decimis lib. 6. cap. Quod Dei timorem, vers. Licet autem de statu Monachi*, & notant *Doctores in cap. Deget de reg. juris in 6.*

Sed est & aliud apud Canonistas communiter receptum, & assertum, illudque in verbis Pii Quinti relatis insinuatum, nempe Privilegium enormiter lædens Ecclesiam (quale dubioprocul est illud, quod Monarchiæ suæ concessum jactitant Sicilenses) hoc ipso, nullum esse, & invalidum: id constat ex *cap. Suggestum de Decimis, cap. Super eo, de Offic. Delegati, leg. 2. §. Si quis à Principe, ff. ne quid in loco publico*, *Abbas in dicto cap. Cum ad hoc 16. num. 3. & 7. de Clericis non residentibus*. Cessat enim Privilegium eo ipso, quo incipit esse damnosum, *dicto cap. Suggestum de Decimis, Abbas loco citato, Gloss. in cap. Rescripta 35. quest. 3.*; Addunt Summum Pontificem per Prædecessorem non posse ligari, nec ab ipso posse ei legem imponi, ac impediri quin faciat, quæ pro Ecclesiæ majori utilitate faciendâ judicaverit, *cap. Innosuit, de Elect.*, *Gloss. ultima in cap. final. de rescript. in 6.*, *Nicolaus Millis in Repertorio verb. Papa fol. 248.*, nec Constitutionibus suis, aut sui Prædecessoris potest subiici *cap. Proposuit, de concessione*,

Præbenda; Quare ex quacunque causâ justâ potest suum, aut Prædecessoris revocare Privilegium, *cap. Veniens, de præscriptionibus, cap. primo de rescript.*; *Gloss. ultima in cap. Decet, de regulis juris in 6.*, *Rebuff. in respons. 81 in versic. Alias*, & ad revocandum Privilegium juxta Canonistas sufficit abusus, excessus, & grave aliquod præjudicium fieri auctoritati Apostolicæ, atque Ecclesiasticæ Libertati, ac Jurisdictioni. Audiendus venit hæc de re Gregorius Septimus (apud Baronium ad Annum 1078.) scribens Remensi Archiepiscopo, qui Privilegio agebat, quod nonnisi à Romano Pontifice judicari ejus causa deberet, aut ab eo missis Legatis. *Ad id autem, inquit, quod de Privilegio dictis, breviter interim respondemus, quod possunt quadam in Privilegiis pro re, pro personâ, pro tempore, pro loco concedi, quæ iterum pro iisdem, si necessitas, vel utilitas major exegerit, licenter valent commutari; Privilegia siquidem non debent Sanctorum Patrum auctoritatem infringere, sed utilitati Sanctæ Ecclesiæ prospicere; Inde est, quod Arelatensis Ecclesia non solum à Beato Gregorio Doctore dulcissimo, sed etiam à pluribus ejus Sanctis Antecessoribus, cum haberet vicem Sedis Apostolicæ, ut omnes Episcopos totius Regni Francia ad Concilium convocaret, &c., post aliqua tempora, pro quibusdam causis, prædicta potestas, & auctoritas cessavit, & suam vicem aliis, quibus placuit, Sedes Apostolica concessit.*

Viderint ergo, & intelligant Siculi quàm immeritò, excusandæ gratiâ suæ erga Sedem Apostolicam inobedientiæ, privilegia sibi concessa jactitent, & obtudant; quasi verò privilegio aliquo subduci possint Ecclesiæ jurisdictioni, Romani Pontificis auctoritati, legitimi, ac Supremi Superioris correctioni; quasi verò privilegio aliquo possit ligari Romanus Pontifex, & impediri, quin faciat ea, quæ pro majori Ecclesiæ utilitate facienda judicaverit; absurdum sanè foret tale privilegium, atque suâ ipsâ absurditate vanum, & nullum, contra Ecclesiæ Iura dispositum, ipsam Ecclesiæ Hierarchiam fusdeque evertens, quo, ut loquitur Sanctus Pius Quintus supra laudatus, multa fierent contra Jura humana, & Divina, quodque proindè possit, & debeat Romanus Pontifex antiquare, annullare, abrogare.

Quid post hæcenus dicta, excusandis Siculis, possit efficere auctoritas Doctorum, quos consuluisse dicuntur, quibusue rationum momentis eis persuadere potuerint sibi licitum esse Interdictum à Sede Apostolica latum violare, nec videmus, nec etiam suspicari possumus. Multum sanè timendum est, ne hocce in negotio, propriâ sibi illudente cupiditate, coacervaverint sibi Magistros prurientes auribus suis, vel propriis suis commodis potius attentos, quàm puræ veritatis lumen præ oculis habentes.

Sen-

Sententia est (fatetur) inter Theologos communis, quod qui in rebus dubiis, & obscuris operatur, adhibitâ prius consultatione Theologorum, ac Doctorum, liber sit ab omni culpâ; Sed quotquot itâ sentiunt, loquuntur cum maximâ cautelâ, quam sic exprimit Cajetanus in *Summâ*, verb. *Excommunicatio* cap. 31. *versic. 4.*, nota: Si purâ mente, & recto animo, nolentes aliquid contra Ecclesiæ libertatem statuere, aut sustinere, consulunt Doctores reputatos &c., seu committunt examen eorum hujusmodi Doctoribus. Quod hoc pacto, hâcque intentione Theologos consuluerint Ministri Regni Siciliæ, qui Interdicti violationem protulerunt, adduci non possumus, ut credamus: cum eos & Interdictum Ecclesiasticum cum contemptu violasse, & legitimum Ecclesiasticæ Jurisdictionis exercitium violenter impedivisse, immò, & Ecclesiæ Jura usurpasse, multaque alia Ecclesiæ, Supremoque ejus Capiti valdè injuriosa perpetrasse, pro comperto habeamus.

Sed relicto Cajetano præstat audire Cardinalem à Turrecrematâ rem hanc longè uberius explicantem *Summæ sue lib. 4. cap. 17.*, ubi ex professo difficultatem, quam agitamus, pertractat sub hoc titulo. *De Auditoribus diuersorum Magistrorum tenentium varias opiniones: an excusantur à peccato opinionones eorum sequendo, etiamsi sint contra veritatem Catholice Fidei.* In hoc porro capite duo inter alia considerata proponit, nempe de Doctorum opinantium conditionibus, & de efficacîâ rationum, & fundamentorum, quibus isti Doctores astruunt suas opiniones. Circa primum hæc habet ad propositum nostrum. *Secunda consideratio principalis*, inquit, *est de Doctorum diuersa opinantium conditionibus, scilicet quales sint, si famosi, si experti in facultate suâ, si moribus graves, si judicio humiles, ut magis delectentur sequi Sanctorum Patrum doctrinas, quàm adinventiones proprias, & fantasias.* Secundum hanc considerationem potest esse ista conclusio: non videtur esse omninò immunis à peccato, qui in materijs fidem, & bonos mores, tangentibus non nititur sequi opinionem Magistrorum magis doctorum, & celebrium, ac expertorum in facultate suâ, & qui in moribus graviores existunt: aliàs videtur habere locum verbum Euangelii, si cæcus sæculo ducatum præbet, ambo in foveam cadunt: debet enim quilibet in hujusmodi materiâ animum conformare regularitèr Doctoribus, qui Sanctorum Patrum Doctrinis magis solliciti sunt adherere: Unde Ecclesiastici 8. dicitur, ne despicias narrationem Presbyterorum, idest Doctrinam Seniorum Doctorum, & in Proverbijs eorum conversare, idest secundum eorum Doctrinam vive: ab istis enim disces sapientiam, scilicet Divinorum, cujusmodi sunt credibilia, & Doctrinam intellectus idest Bonorum morum, in quibus vita fidelium est adornanda. Ecce professò quales de-

bent

bent esse Doctores, & Theologi, quos in rebus ad fidem, & bonos mores spectantibus consulere debemus, ut eorum placitis adhaerentes non peccemus; Si tales in consilium sibi ascivissent Ministri Regni Siciliae, procul dubio ab iis didicissent sibi non fuisse licitum, sub praetextu cujuslibet privilegii, Interdictum à legitimo Superiore latum, atque à Sede Apostolicâ approbatum, ac confirmatum violare, aut ne observaretur, impedire, quia id fieri non poterat sine gravi Apostolicæ Jurisdictionis injuriâ, & contemptu; sine communis Ecclesiae boni notabili detrimento; sine perniciosissimo proximi scandalo. Didicissent rursus ab eis, in rebus dubiis obediendum semper esse Superiori, nec sine crimine ei posse resisti, assentientibus scilicet omnibus Theologis, quod scrupulus, vel dubitatio circa praecepti obligationem, vel circa obedientiae hic, & nunc praestandae necessitatem, satis non est ad obedientiam superiori debitam licitè dencgandam, & quod Superior Jus habeat precipiendi, & obedientiam exigendi; quo jure non possit eum spoliare subditus propter suam dubitationem, cum in dubiis melior sit conditio possidentis: dicente quoque Sancto Bernardo de Praecepto, & dispensatione, quod *quidquid vice Dei praecipit homo, quod non sit certum displicere Deo, haud secus omnino accipiendum est, quum si praecipiat Deus*; dubitare porro debuerunt hi Ministri de bonitate suae actionis: quia etiamsi Theologos, & Jurisconsultos, quos interrogarunt, sibi faventes habuerint, alios, eosque numerosiores, atque inter illos Romanum Antistitem, pluresque Episcopos, in decidendis hujusmodi controversiis auctoritate certè praevalentes, sibi fuisse contrarios ignorare non potuerunt. Meminisse tandem debuerunt Roboamum Regem, teste Sacro Eloquentio 3. Reg. 12. fuisse condemnatum, quia *reliquit Consilium Seniorum, quod dederant ei*; id est Virorum, scientiâ, prudentiâ, moribus, experienciâ, atque ætate graviorum, & *adhibuit adulescentes, qui nutriti fuerant cum eo*: adeo verum est non semper irreprehensibiles esse Reges, Principes, eorumque Ministros, quod priusquam operi manum admovent, consuluerint Theologos, nisi tales consulere studuerint, quales supra ex Cardinale Turrecremata descripsimus. Sanè neminem latet solitos esse Reges, ac Principes omnes Catholicos in rebus gravioris momenti, & maximè ubi agitur de dispendio animæ, adhibere consilium Theologorum, Jurisperitorum, & Ministrorum suorum; Ergone propterea veniendi semper eximendi ab omni peccato? Quis Theologorum hoc dixerit unquam? Non sic profectò sentiebat Innocentius Papa Undecimus, dum aliquando Regem Christianissimum sic interpellabat: *Dabis, Charissime Fili, Pastoralis Officii debito, dabis paterna sollicitudini, atque amori in te nostro, si te malè*

consulentium culpa in summo aeternae salutis periculo constitutum videntes, opportunè, importunè instamus, obsecramus, elatà voce clamantes, ut è tam præcipiti loco pedem referas.

Sed audiamus iterum Cardinalem doctissimum à Turrecrematà explicantem ulterius, quid factò opus sit, ut doctrinam Magistrorum sequentes non peccemus.

Tertia consideratio, inquit, est habenda circa motiva, & fundamenta, quibus Doctores suas opiniones fundare, & fulcire nituntur. Quae consideratio meritò est habenda, tum quia in dubiis non de facili est præstandus assensus: unde Ecclesiastici 19. dicitur, qui citò credit, levis est corde. Tum quia, quae præstantiori ratione, aut efficaciore motivo fulcita sunt, cum sint majoris auctoritatis, aliis præferenda veniunt. Secundum quam considerationem posset poni talis conclusio. Quod culpandus venit, qui absque hujusmodi investigatione diligenti, & consideratione rationum, & motivorum, quibus Doctores suas varias fundant opiniones, levitate quadam animi amplectitur opinionem contrariam veritati: agit enim contra illud Job 29. Causam, quam nesciebam, diligentissimè investigabam. Et Ambrosii lib. de Paradiso: Nemo debet se alteri credere, nisi cujus virtutem probavit.

Patet itaque ex omnibus istis neminem cujuscunque status sit, & conditionis, sibi ipsi debere nimium adblandiri, existimando actionem suam esse sine peccato, quod aliquos præconsultuerit Theologos, ac Doctores, nisi & doctiores, & meliores quaesierit, atque interrogaverit: ac libratihinc indè eorum rationibus, ac momentis, illi sententiæ sese accomodaverit, cujus rationes, & momenta fuerint præstantiora, & efficaciora; juxta illud S. Ioannis Chrysostomi hom. 44. in Matth.: Si vestimentum empturus unum giras Negotiatorem, & alterum, & ubi meliores vestes inveneris, & pretio viliori, ab illo comparas: an non oportet circuire omnes Doctores, & inquirere, ubi sincerè veritas Christi venundatur, & ubi corrupta, & vertiorem potius eligere, quàm vestimentum? Hinc meritò Lactantius lib. 3. cap. 13.: Ne trahamur auctoritate cujusquam, sed veritatis potius accedamus: Nullus hic temeritati locus est, in aeternum stultitiæ pena subeunda est, si aut persona inanis, aut opinio falsa decipiat.

Consulèto hic nonnulla prætermittimus, quod ea vix quemquam latere posse existimemus. Istud inter alia, non pertinere ad Subditos examinare, aut determinare, quid Papa possit, aut non possit, an sit ei obediendum, vel non obediendum: Nemo enim rationis compos non videt actum, ac conflatum fore de potestate Ecclesiæ Capitis, si id licitum esset in controversiam adducere, saltem ubi præceptum datum fuerit verbis clavis, apertis, & sine ambiguitate conceptis; id patet ex cap. Si quis suadente, vers. licèt 17. quæst. 4., vbi dicitur, similisèr de Iudicio

Summi

Summi Pontificis disputare non licet; Unde Nicolaus Papa Primus ad Michaelē Imperatorem scribens ait: *nemini est Sedis Apostolica Iudicium, aut illius sententiam retrahere permisum*. Hinc quoque Franciscus Viſtoria reſc. 4. de potestate Papa, & Concilii, propositione 16. num. 17. ait, quod determinare quæ sit potestas spiritualis alicujus, est Iurisdicſtio, & pars gubernationis, quæ non spectat ad Subditos erga Superiores; & ideo non convenit Subditis, quia eſſet in turbationem, & dissolutionem Hjerarchia, & auctoritatis Ecclesiastica, si quilibet dicere poſſet, Papa non potest: immò, ut optimè dicit Vargas de Episcopis. Iurisdicſt. confirmat. 13. si cuilibet eſſet licitum dicere, Papa non præſumitur hoc velle. Quando igitur Navarrus, Cajetanus, & alii Theologi pronunciant immunem eſſe à peccato eum, qui præconſuluit Theologos, intelligendi ſunt ſolum in caſu, quo Lex, vel Canon, vel Superioris voluntas, ac præceptum dubia ſunt, obſcura, & incerta: quia tunc conſulentes Theologos, modo ſupra ex Cardinali Turcremata explicato, ſi quid contra legem, vel mandatum Superioris poſtea faciunt, excuſantur propter ignorantiam invincibilem, nec tales videntur eſſe contumaces, aut contra Superiorem, cuſque præceptum attentare aliquid velle. Secus verò ubi Superior, præſertim Supremus Ecclesiæ moderator, quidquam jubet, aut determinat maturo conſilio, cauſa diſcuſſa, clariſ, & apertis verbis, uti factum eſt in caſu præſenti; Unde tantum abeſt, ut Miniſtri Siculi excuſandi veniant, eo quod Theologorum, quos in conſilium admiferunt, ſententiam ſunt ſequuti: quin ex hoc ipſo, quod illos hæc ſuper re conſuluerint, ſunt accuſandi.

Huicce diſſertationi dum finem imponimus, juvat ex Doctrinâ Sancti Thomæ breviter notare, qualiter Inferiores teneantur Superioribus obedire: Ne forte quis Interdictum Pontificium violantes putet excuſandos titulo obedientiæ potestati laicali, tanquam Superiori, & auctoritatem habenti, debita. Inquiriſ ſcilicet Sanctus Doctor 2. 2. quaſi. 104. art. 5. Utrum Subditi teneantur Superioribus in omnibus obedire: Et reſpondet, Subditos in iis tantummodo ſuis Superioribus teneri morem gerere, in quibus ipſi ſuis Superioribus ſubiiciuntur, & in quibus ipſi Superiores ſublimioris potestatis præcepto non adverſantur. Hinc ſuper illud ad Romanos 13.: *Qui potestati reſiſtunt, ipſi ſibi damnationem acquirunt*, dicit Gloſſ. ſumpta ex Sancto Auguſtino lib. 6. de verbis Domini, ſerm. 6. cap. 8.: *Si quid jufferit Curator, nunquid eſt tibi faciendum, ſi contra Proconſulem jubeat? ruſum, ſi quid Proconſul jubeat, & aliud Imperator, nunquid dubitatur illo contempto, iſti eſſe ſerviendum? ergo, ſi aliud Imperator, aliud Deus jubeat, contempto illo obtemperandum eſt Deo*. Quibus omnino ſimilia ſcripſit Sanctus

Ber-